

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

16.04.2019թ.

ք.Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի հարկադիր կատարող արդարադատության լեյտենանտ Արսեն Փիլոյանս, ուսումնասիրելով՝ 16.04.2019թ. վերսկսված թիվ 01290949 կատարողական վարույթի նյութերը՝

Պ Ա Ր Զ Ե Ց Ի

Երևան քաղաքի Շենգավիթ վարչական շրջանի ընդհանուր իրավասության դատարանի կողմից 13.04.2015թ. տրված թիվ ԵՇԴ/3831/02/14 կատարողական թերթի համաձայն պետք է՝ Էդգար Արամի Ղազարյանից հոգուտ «ՎՏԲ-Հայաստան բանկ» ՓԲԸ-ի բռնագանձել 309.015,60 դրամ, որից 250.000 դրամը հիմնական պարտքի գումարն է /որից 53.236,70 դրամը՝ ժամկետանց/, 29.081,40 դրամը՝ տոկոսները /որից 24.430,90 դրամը՝ ժամկետանց/, 5934.20 դրամը՝ ժամկետանց տոկոսի դիմաց հաշվարկված տույժը, 24.000 դրամը՝ վարկի սպասարկման հաշիվները, ինչպես նաև սկսած 23.07.2014թ.-ից մինչև պարտավորությունների փաստացի դադարման օրը՝ ժամկետանց վարկի մնացորդի՝ 250.000 դրամի նկատմամբ տոկոսների հաշվարկը շարունակել օրական 0,1% դրույքաչափով՝ հիմք ընդունելով կողմերի միջև 23.01.2014թ. կնքված թիվ RL317422 վարկային պայմանագրի 3.1 կետով նախատեսված տոկոսադրույքը և սկսած 23.07.2014թ.-ից մինչև պարտավորությունների փաստացի դադարման օրը՝ ժամկետանց տոկոսների նկատմամբ տույժերի հաշվարկը շարունակել յուրաքանչյուր ուշացած օրվա համար 0,3%-ի չափով՝ հիմք ընդունելով նույն պայմանագրի 3.2 կետը: Էդգար Ղազարյանից հոգուտ «ՎՏԲ-Հայաստան բանկ» ՓԲԸ-ի, որպես նախապես վճարված պետական տուրքի գումար, բռնագանձել 6180.30 դրամ:

Միաժամանակ պահանջատերը գրությամբ հայտնել է, որ պարտապանի պարտքը 04.12.2018թ. դրությամբ կազմում է 1.169.937,30 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան՝ Էդգար Արամի Ղազարյանին սեփականության իրավունքով պատկանող ներքոհիշյալ գույքը

h/h	լոտի անվանումը, նկարագիրը	գույքի քանակը	գնահատման գինը	մեկնարկային գինը
1.	BMW 318 /1984թ./ 32 LL 819 պ/հ, մեքենայի շարժիչի աշխատանքը ստուգված չէ, մեքենան մեկ տարուց ավել գտնվել է կայանված վիճակում և չի շահագործվել, վթարված, բանալիները և տեխ. անձնագիրը բացակայում են	մեկ հատ	100.000 ՀՀ դրամ	75.000 ՀՀ դրամ




ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով: Հարկադիր էլեկտրոնային աճուրդի սկիզբը՝ **04.06.2019թ.**:

Որոշման պատճենը ուղարկել կողմերին

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

**ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԼԵՅՏԵՆԱՆՏ՝**

**Ա. ՓԻԼՈՅԱՆ**

Ծ Ա Ն Ո Ւ Թ Յ ՈՒ Ն Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լուտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարման ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: